



JUDICIAL SISTEM MONITORING PROGRAMME

PROGRAMA DE MONITORIZASAUN DO SISTEMA JIDISIAL

Komunikadu Impresa

Periodu : Setembru 2011

Edisaun : 15 Setembru 2011

Arguidu ba kazu kontrafasaun ba moeda ou halo osan falsu hetan prizaun preventiva

Iha loron 09 Setembru 2011, Tribunál Distritál Suai halo primeíru interrogatóriu ba kazu halo osan falsu. Kazu ne'e rejistu ho númeru 0324/11/PDSUA. Audiénsia ba primeíru initerogatóriu ne'e prejide husi Juiz singulár Dr. José Maria de Araújo, representante husi Ministériu Públiku Dra. Zélia Trindade no parte defeza representa husi Dr. Marçal Mascarenhas ne'ebé mai husi eskritóriu Defensoria Públiku.

Audiénsia primeíru interrogatóriu ne'e halo ba arguidu ho inisiál RP ne'ebé deskonfia involve iha krime kontrafasaun ba moeda ou halo osan falsu ne'ebé hasoru hodi fó ka intrega vítima ho inisiál AG no JS, ne'ebé akontese Sub-Distritu Fohorem iha tinan 2010.

Diretór Ezekutivu JSMP, Luis de Oliveira Sampaio, haktuir katak *“krime ne'e nu'udar krime grave tanbá ho intensaun atu fornese ba nia aan nomós atu uza hanesan moeda nune'é bele hamosu prejuizu ba ema seluk ka ba Estadu”*. Aliende ne'e kazu ne'e mós hamosu konfuzoan iha comunidade ninia leet, tanbá ne'e husu, ba autóridade kompetente atu bele buka no hatene tuir kazu refere nune'é bele lori autór ne'ebé involve ba hatan iha tribunál tuir lei ne'ebé estabelese ona”.

Krime ne'ebé arguidu komete ne'e artikuladu iha artigu 307 Kódigu Penál (KP) Timór Léste konabá “kontrafasaun ba moeda” ne'ebé ho ninia moldura penál tinan 3 too 10 iha prizaun.

Prosesu primeíru interrogatóriu ne'e hahú iha tuku 17:00 lorokoraik to'o oras tuku 19:00. Iha prosesu oras rua nia laran tribunál konklui ho pozisaun juiz nian hodi lee konkluzoan finál

tribunál nian. Rezultadu husi audiénsia ne'e haruka arguidu ho inisiál RP ba prizaun preventiva hodi hein prosesu tuir mai.

Atu hetan informasaun kle'an, favor kontaktu direktamente;

Luis de Oliveira Sampaio

Diretór Ezekutivu JSMP

Email; luis@jsmp.minihub.org

Telefone: 3323883/7295795